



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**R. P. D. Henr. Harphii Theologi Ervditiss. Ordinis  
Minorvm, Ac Rervm Divinarvm Contemplatoris eximij.  
Theologiæ Mysticæ Libri Tres**

**Henricus <Herpius>**

**Coloniæ, 1611**

Vt amorosa fuerit Christi passio, & quàm rationabiliter eam sustinuit in  
cruce, ac de passionis eius grata recordatione. Cap. XXX.

**urn:nbn:de:hbz:466:1-37362**

pijs, ac laceratum, totumque cruciatum: & ideo tam copiose lacry-  
mis illud irrigabat, quod super lapidem, in quo positum fuerat corpus,  
defluerent, ubi postmodum eius lacrymae diu cernentibus apparuis-  
se dicuntur. Nam hoc maxime doloris angustias augmentabat, quod  
illum videbat morientem, totum afflictum & derelictum, totum de-  
spectum & laceratum, totum anxium & sicibundum, totum oppres-  
sum & violentatum: & sic perseverans in indicibili dolore, paupertate  
pressa, & necessitate coacta, sub alieno tecto cogitur dies lugubres du-  
cere, ac alienis elemosynis sustentari, Mater Dei, Regina caeli, Domi-  
na mundi.

*Ut amorosa fuerit Christi passio, & quomodo rationabiliter eam sustinuit  
in cruce, ac de passionis eius gratia recordatione.*

Cap. XXX.

Ferculum  
Christi  
quid.



*F*erculum fecit sibi rex Salomon de lignis Labani. Cant. 3.  
Quamvis per hoc *ferculum*, secundum Richardum, ibidem,  
anima sancta potest intelligi, quae Christum reficit, dum  
bonis operibus, studijs, ac desiderijs eius delectatur, sicut  
scriptum est: Populus meus saturavit me votis, implevit  
me odorem: tamen secundum aliam significationem, per *ferculum*  
intelligi potest, vel Virgo gloriosa, in qua Christus novem mensibus re-  
quieuit, cuius uterus virginalis fuit *ferculum* Salomonis, utpote de quo  
dicitur: *Beatus venter qui te portavit*: vel ipsa crux beata, in qua Chri-  
stus pro nostra salute pepedit: cui & ex amore beata Virgo fideliter se  
iunxit, ut de ea diceret Bernardus super Cantica: Tanta vis amoris me-  
tem Mariae repleverat, ut cum lacrymis astans cruci, animam, & si non  
posuit, tamen exposuit. O *ferculum* crucis felicissimum, quo Christus de-  
scendit ad nostra vilissima, ut nos traheret ad sua sublimia. Nunc enim  
hoc *ferculo* anima sancta fertur in Deum, quo & Helias receptus est in  
caelum. Haec enim est peccatorum scala, per quam Christus ad se traxit  
omnia sicut praedixit: *Ego si exaltatus fuero a terra, omnia traham ad me-  
ipsum*. Hanc enim ex intima charitate pro nobis amplectens, & sibi  
baiulans crucem, cum ea simul totius mundi (quantum ad sufficientiam)  
tulit offensam cum infinitis opprobrijs, exiens in eum qui dicitur  
*Calvariae locum*. Occurre illi nunc anima mea, & vide sponsum tuum  
pro te sibi Crucem baiulantem, & sub eius onere curvum, ac multum an-  
xium incedentem, ad locumque, ut pro te mortem sustineat, ex amo-  
re pro-

Luce 11.

4. Reg. 2.

Ioan. 12.

Ioan. 19.

re properantem, ac tua crimina pœnis indicibilibus expiare cupientem: Et quantum potes, in tantis angustijs & ludibriorum renouationibus positus, toto corde compatere. Nec solum totus nudus in Cruce dignatus est extendi, sed etiam Cruci voluit affigi, & sic exaltari, vt omnia traheret ad seipsum per eminentissimæ charitatis inditium, vt sic nobis suam ad nos commédaret indissolubilem charitatem, quam tanto sui dispendio firmavit nostrâ salutem. Extensis enim nervis & venis, protensis ossibus & iuncturis, extensione violenta Cruci est affixus, ac in manibus & pedibus crudeliter perforatus, clavis grossis cutem & carnem, nervos & venas ossiumq; compages discipantibus: & hoc rationabiliter. Nam quia primus homo manus extenderat ad lignum præuaricationis, ac pedibus accedendo confecerat chirographum nostræ dânationis: idèd Christus vt chirographum illud deleteret, manibus & pedibus ligno salutiferæ Crucis affigi voluit clavis inuictissimæ charitatis, per hoc *chirographum deoets* (quod nobis erat *contrarium*) de medio tollens, & illud Cruci affigens. O quàm libèter Crucem ascendit, & quanta dilectione cuncta pro nobis sustinuit, quàm gratanter obediuit, & quantum Pater in eius obedientia delectatus fuit. Quia nimirum tantam mansuetudinem seruans in contumelijs, tantam patientiam exhibens in tormētis, tam ineffabilem benignitatem reddens impijs crucifixoribus, pro quibus interpellauit clementiam Patris, euidentius se declarauit esse Filium summi Patris. *Respice nunc & tu sanctissime Pater in faciem Christi tui, qui tibi factus est obediens usque ad mortem; nec ab oculis tuis recedant cicatrices eius, vt memineris, quantam pro peccatis nostris satisfactionem ab eo susceperis. Vtinam appenderentur in statera peccata, quibus iram meruimus, & calamitas, quam passus est innocens Filius tuus.* Hæc vtique grauior appareret, & magis digna, vt propter ipsam effundas misericordiam tuam super nos, quàm sunt illa peccata, vt pro ipsis contineas in ira misericordias tuas. Gratias igitur tibi referat omnis lingua super abundantiam pietatis tuæ, quia vnico Filio cordis tui non pepercisti, sed vt eum coram te fidelissimum *aduocatum* haberemus, pro nobis illum in mortem tradidisti: quia licet secundum naturam impassibilis & immortalis fuerit, eò quòd passio vel mors est pœna peccati, ipse verò sine peccato venit, & sine peccato vixit: tamen secundum potentiam ex amore passibilis esse voluit & mortalis, vt nobis daret mercedem suæ mortis, pro quibus omnia gratanter sustinuit. Dedit enim nobis pro passione im-

Ioan. 12.

Genes. 30.

Colos. 2.

Psal. 83.

Phil. 2.

Iob. 6.

Psal. 76.

1. Ioan. 2.

Rom. 8.

passibilitatem, pro morte immortalitate, & pro peregrinatione aeternam patriam.

Mots Christi.

Thren. 1.

Denique in Cruce Christus mortuus est, secundum Richardum, ex violentia afflictionum sibi illatarum, concurrente vehementia doloris compassionis, quae mortem acceleravit. Hic paululum siste anima mea Christi sanguine redempta, & vide, si est dolor sicut dolor eius, ac fixis oculis in illa vulnera dulcissimi Iesu, diligenter interna pietate considera corpus illud tenerimum & immaculatum crudeli flagellatione & Crucis extensione, tam graviter laceratum. Vide corpus eius doloribus innumeris quasi quibusdam amoris signaculis tam multipliciter conformatum, quod in eo non inuenitur nec spatium unius puncti, quod non dolore & amore singulari reluceat. Vide manus eius pulchras clavis acerrime confossas, brachia tam crudeliter extensa, pedes perforatos, crura violenta quadam cancellatione constricta, & omnia delicata corporis membra tam arctae conclusioni mancipata, & sanguine perfusa. Corpus eius iuuenili decore venustum à suo decore decidit & emarcuit. Asperrimum Crucis lignum fuit delicati dorsi reclinatorium: corpus eius ponderosum clavis confixum sua mole deorsum trahitur, & inde dolor vulnerum eius augetur. Quid plura?

Isaia 1.

Thren. 3.

Isaia 53.

*Planta pedis usque ad verticem* capitis, sanctissimis vulneribus, & amarissimis doloribus repleuerunt eum, deducetes in lacum mortis vitam eius. Et haec omnia pro nobis cum magno desiderio cordis sustinuit, ut suo *liuore* peccatorum vulnera sanaret, & pro nobis miseris satisfaceret, ac omnes redire volentes talibus amoris sacrificijs Patri caelesti reconciliaret. Ideo licet non ignores o anima mea, quid illa passio boni conferat ad salutem, si qua tamen in te sunt viscera pietatis & charitatis, illi toto affectu compatere. Sic enim extensus est in Cruce dilectus tuus, ut omnia ossa eius dinumerari possent: & sic arctatus est vndique, quod se mouere nullatenus posset. Nam in illo tempore flebili non habuit, *vbi caput* miseris fessum reclinaret. Ecce Abel occisus est à fratre. Ecce serpens aeneus exaltatus à Mose. Ecce agnus immolatus in lege. Ecce Deus crucifixus ab homine. Ecce sponsus pro te condemnatus in morte. Ecce rex tuus suspensus in Cruce. Ecce mitis & innocens totus perfusus sanguine, totus nudus pendens in Cruce, & pallens in morte. Pendet quidem corpore nudus, sed patientia vestitus, & amoris incendijs inflammatus, intus & foris atrocissime cruciatus. Nec solum *morte* durissima condemnari voluit, sed etiam ut *maledicti*.

Psal. 21.

Math. 8.

Gene. 4.

Num. 21.

Exod. 12.

Luca 23.

Sapient. 2.

maledictionem, quam incurramus, amoueret, mortem Crucis maledictam accepit, factus pro nobis maledictum, ut nos à maledictione paterna liberaret: quia *maledictus qui pendet in ligno*. Nihil enim inter omnia genera mortis illa morte peius fuit. Extremum igitur & pessimum genus mortis elegit, qui mortem omnium ablaturus, morte pessima mortem occidit. Et congruè satis tale genus elegit passionis, quod reatum absolueret primæ præuocationis: ut qui per lignum vetitum cecideramus, per lignum sanctæ Crucis resurgeremus: & qui per signum præuocationis mortui fueramus, per lignum reconciliationis ad vitam reuocaremur, ut sic morbo cõuenienter medela responderet. Expandit innocens Iesus in cruce manus immaculatas pro manibus incontinenter extensis, & pro suaui cibo ligni vetiti suscepit escam fellis & aceti, *quæ non rapuit exsoluens*, & mortem in se suscipies, nostramque mortalitatem auferens. Quid commisisti dulcissime Iesu? Quæ tua noxa? quæ causa damnationis tuæ? Ego certè sum causa doloris tui. Quæ perpetravit iniquus seruus, soluit pius Dominus. Ad illicita me concupiscentia traxit, ad Crucem te sancta charitas pro me traxit. Ego peccati dulcedinem, tu gustas fellis amaritudinem. O dulcissime Iesu, quò tua descendit humilitas, qui pro me factus es *obediens usque ad mortem Crucis*? O quis mihi det, ut tecum totus carne pariter & spiritu, gladio compassionis transfigar, Crucisque patibulo cum dilecto configar, nec aliud sentiam nisi Dominum *Iesum, & hunc crucifixum*? O quis mihi det Deus meus, ut moriar amore tui, qui tam affectanter mori dignatus es amore mei? Interim sit mihi dulcis lectus lignum tuæ Crucis, in quo dulciter requiescam: sit mihi corona tua spinea dulce cervical, ut caput meum in ea suauius reclinem, quia *si com-*

Galat. 3.  
 Psa. 68.  
 Contem-  
 platio.

Philip. 2.

1. Cor. 2.

Rom. 8.

*Quomodo per passionem Christi liberati sumus à peccato, & à diabolica potestate. Cap. XXXI.*



Erculum fecit sibi rex Salomon de lignis Libani. Iam de effectibus Dominicæ passionis succinctus sermo percurrat, quos tantum ad numerum quinarium extendere placuit. Primus effectus est, quia per eius passionem à peccato liberati sumus, iuxta illud Apocalypicos: *Dilexi nos, & la-*

Effectus passionis Christi quinque.

Apoc. 1.

N per